

Tshuaj Tiv Thaiv COVID-19 Johnson & Johnson: Yam Koj Yuav Tsum Tau Paub

COV LUS SAU HAIS

[suab paj nruag]

[Piav pem]

Tshuaj Tiv Thaiv COVID-19 Johnson & Johnson: Yam Koj Yuav Tsum Tau Paub

Sij hawm no cov Chaw Tswj Tuav thiab Tiv Thaiv (CDC, The Centers for Disease Control and Prevention) qhia kom siv cov tshuaj tiv thaiv COVID-19 (Pfizer thiab Moderna) hloov chaw cov tshuaj tiv thaiv COVID-19 Johnson & Johnson.

Vim li cas cov lus hais qhia ho tau hloov kho tshiab?

Cov kws txawj tau pom hais tias qhov teeb meem txhaws hlab ntsha uas muaj tsawg heev tshwm sim tom qab kev txhaj tshuaj tiv thaiv COVID-19 Johnson & Johnson ua rau muaj ob peb leej neeg tag sim neej lawm. Txawm tias qhov no muaj tsawg heev, los nws yeej hnyav heev, thiab muaj lwm yam tshuaj tiv thaiv uas tsis muaj qhov kev pheej hmoo zoo li no. Cov kws txawj tau hloov kho tshiab rau cov lus hais qhia tom qab ntsuam xyuas cov kev tshawb fawb sij hawm no txog qhov hais tias Johnson & Johnson ua haujlwm tau zoo npaum li cas, thiab nws qhov kev nyab xeeb ho zoo li cas. Lawv txuas ntxiv ntsuam xyuas tag nrho cov tshuaj tiv thaiv txhawm rau kev nyab xeeb thiab yog tias tsim nyog, hloov kho tshiab rau lawv cov lus hais qhia raws li qhov kev tshawb fawb ntawd. Cov qauv tsis thooj ib txwm lossis tsis xav txog ntawm cov mob loj tshwm sim los nrog uas muaj tsawg heev raug muab tshuaj xyuas thiab nthuav tawm, thiab qhia rau laj mej pej xeeb paub.

Yuav ua li cas yog tias kuv twb tau txhaj tshuaj tiv thaiv Johnson & Johnson lawm?

Tsis ntxim li koj tseem yuav muaj tus mob hlab ntsha txhaws uas muaj tsawg heev ntawd los ntawm tshuaj tiv thaiv Johnson & Johnson yog tias sij hawm dhau mus ntev tshaj ib lub hlis suav txij thaum koj tau txais qhov tshuaj tiv thaiv. Yog tias sij hawm dhau mus tsawg dua ib lub hlis, saib xyuas cov tsos mob no:

- Txog siav
- Mob hauv siab
- Ko taw phob vog
- Muaj tus mob plab mog/plab uas tsis txawj zoo li
- Mob taub hau heev heev lossis pheej mob taub hau yam tsis txawj zoo li
- Qhov muag ploom
- Muaj qhov doog ntshav yooj yooj yim los yog muaj cov teev ntshav me me hauv qab ntawm daim tawv nqaij txuas ntawm qhov chaw txhaj tshuaj mus

Yog tias koj muaj cov tsos mob no tom qab txhaj tshuaj tiv thaiv, koj yuav tsum mus ntsib kws kho mob tam sim ntawd. Qhia rau tus kws kho mob tias koj nyuam qhuav tau txais cov tshuaj tiv thaiv Johnson & Johnson. Tshuaj tiv thaiv COVID-19 Johnson & Johnson tiv thaiv kev mob hnyav los ntawm COVID-19; txawm li cas los xij, cov tib neeg uas tau txhaj ib koob tshuaj tiv thaiv Johnson & Johnson lawm tseem yuav tsum nyob tos ntsoov thiab mus txhaj koob tshuaj txhawb zog ob lub hlis tom qab lawv thawj koob tshuaj. Xav qhia hais tias kom txhaj koob tshuaj txhawb zog uas yog Pfizer lossis Moderna los tau.

Kuv puas yuav tsum tau txhaj lwm yam tshuaj tiv thaiv?

Koj tsis tas yuav pib dua nrog lwm yam tshuaj tiv thaiv yog tias koj thawj koob tshuaj tiv thaiv yog Johnson & Johnson lawm. Yog tias koj twb tau txhaj koob tshuaj txhawb zog Johnson & Johnson lawm, koj tsis tas yuav txhaj tshuaj ntxiv nyob rau lub sijhawm no.

Kuv puas tseem tuaj yeem tau txais tshuaj tiv thaiv Johnson & Johnson yog tias kuv xav tau?

Koj tseem tuaj yeem tau txais tshuaj tiv thaiv COVID-19 Johnson & Johnson yog tias yam ntawd yog yam tshuaj tiv thaiv uas koj xav tau. Nco ntsoov hais tias qee leej tuaj yeem mob hlab ntsha txhaws uas muaj tsawg heev tom qab tau txais cov tshuaj tiv thaiv ntawd. Txawm li cas los xij, cov mob ntshav txhaws feem ntau tshwm sim rau cov poj niam hnuv nyoog 30 txog 49 xyoo. Tham nrog koj tus kws kho mob txog yam tshuaj tiv thaiv ntawd thiab nws cov kev pheej hmoo uas yuav muaj tau.

Kev txhaj tshuaj tiv thaiv yog txoj hau kev zoo tshaj plaws los mus tiv thaiv koj tus kheej thiab lwm tus los ntawm COVID-19. Yog tias koj tsis tau raug txhaj tshuaj tiv thaiv, nrog koj tus kws kho mob tham lossis nrhiav ib qhov chaw nyob ze koj txhawm rau txhaj tshuaj tiv thaiv.

[suab paj nruag]

Minnesota Department of Health
Communications Office
PO Box 64975
St. Paul, MN 55164-0975
651-201-4989
health.communications@state.mn.us
www.health.state.mn.us

2/4/22 (Hmong)

Txhawm kom tau txais cov xov xwm no ua lwm hom qauv, hu rau: 651-201-4989